

Alkitab Buat Bocah

Nampilin

Selamat Tinggal Firaun



Nyeng nulis: Edward Hughes

Nyeng bikin gambar: Janie Forest
Alastair Paterson

Nyeng nyocokin: Lyn Doerksen

Nyeng terjemahin: Matheus Nalih Ungin

Dibikin buat: Bible for Children
www.M1914.org

©2024 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.

1




Firaun marah banget!
Tuhan nyuruh dia liwat
Musa buat ngebawa
budak-budak Israel
keluar dari Mesir. Dia
ngelawan perintah itu.

2



"Suruh mereka kerja keras," Firaun perentahin sama pengawas-pengawas budaknya. Saat ini semuanya jadi mangkin bejad buat bangsa Israel.

3



"Kamu kudu ngumpulin dami dewek. Kami kaga bakal nyediain lagi. Tapi kamu semua kudu bikin bata dalem jumlah nyeng sama." Itu perintah baru dari Firaun.

4



Mandor mecutin beberapa orang budak karena mereka kga punya cukup waktu buat ngumpulin dami dan bikin cukup

batu bata.


5



Orang-orang pada nyalahin Musa akibat kesulitan ini. Musa nemuin satu tempat buat sembahyang. "Ya Tuhan," dia tereak, "Engkau kaga nyelametin jamaahMu."

"Aku ini TUHAN, dan Aku bakal ngebawa kamu keluar," Tuhan ngejawab.


6



Lantas Tuhan ngirim Musa ama Harun balik lagi pada Firaun. Pas raja gede itu nanya pada pembantu Allah itu buat nunjukin satu tanda

dari Tuhan, tungked harun berubah jadi ula.


7



"Panggil semua tukang sihir," Firaun tereak. Pas tukang-tukang sihir itu ngelemparin tungkednya ke tanah, tiap tungked itu berubah jadi ula juga. Tapi tungked Harun nyaplok semua ula itu.

8


Besoknya, Musa ama Harun nemuin Firaun di kali. Pas Harun ngangkat tungkednya dan digebuginnya ke kali itu, Tuhan ngerobah aer jadi darah. Ikan-ikan semuanya mati!



Orang-orang tidak bisa meminum air itu!

9

Tapi Firaun bekeras ati. Dia kaga mau ngebiarin orang Israel itu pada ninggalin Mesir.




10

Lagi-lagi Musa bilang sama Firaun buat ngebiarin jamaah Allah pegih. Tetep aja Firaun nolak. Tuhan ngirim tulah nyeng laen lagi. Seluruh tanah Mesir penuh ama kodok. Setiap rumah, kamar, sampe-sampe tempat ngebakar roti juga penuh ama kodok!



11

"Sembahyang buatku, biar Tuhan ngejauhin kodok-kodok itu," Firaun memelas. "Dan aku bakal ngebiarin jamaahmu pegih." Tapi, pas kodok-kodok itu pada ilang, Firaun berubah pikirannya. Dia kaga bakalan ngebebasin budak-budak itu.




12

Lantas Tuhan ngirimin lagi penyakit nyeng nepa buat matiin binatang piaraan. Tapi Firaun tetep aja ngelawan Tuhan.




13

Allah ngirim lagi bisul benanah. Orang-orang sangat sengsara. Tapi Firaun tetep aja ngelawan Tuhan.



14



Abis penyakit bisul, Tuhan ngirimin lagi segerombolan balang. Balang-balang ini makanin semua tanaman ijo di kebon.

15



Lantas Tuhan ngirimin lagi tiga ari nyeng bener-bener jumbleng. Tapi Firaun nyeng keras pala kaga mao ngebebasiin orang Israel.

16



"Pada waktu tengah malam, semua anak sulung manusia dan hewan akan mati." Tuhan mengatakan kepada orang Israel bahwa anak sulung mereka akan selamat jika mereka mengoleskan darah domba di ambang pintu rumah mereka.

17



Tengah malem, kedengeran tereakan nyeng keras di Mesir. Kematian nyerang seluruh Mesir. Paling kaga ada satu orang nyeng mati ditiap-tiap rumah.

18




"Pegih," pinta Firaun. "Pegih, layanin Tuhan." Cepet-cepet, jamaah Tuhan bebaris ngelewatin perbatasan Mesir.

19



Tuhan bilang pada Musa buat nginget malem Paskah itu sebab Malekat Tuhan ngelewatin rumah-rumah Israel dan cuman nyerang Firaun ama rakyatnya.

20



Seudah 430 taun netep di Mesir, jamaah Tuhan karang mah udah bebas. Tuhan mimpin mereka dalem tiang awan di siang bolong ama tiang api di malem arinya.


21



Tapi Firaun kaga mao

nyerah begitu aja sama orang-orang Israel. Lagi-lagi, dia ngelupain Tuhan. Lagi-lagi, dia ngerobah pikirannya. Dia ngumpulin tentaranya, dan pegih nyusul budak-budak itu. Lantas dia nemuin mereka kejawab disela-sela batu karang ama laut.

22



"TUHAN bakal perang ngelawan kamu," Musa bilang. Musa pegih ke pinggir aer, dan ngebentangin tangannya.

23




Satu keajaiban gede muncul. Tuhan ngebuka jalan kecil lewat aer. Orang-orang pada nyebrang dengan selamat.

24



Lantas pasukan Firaun lari kenceng ke Laut Merah. "Sekarang kita bakal nangkepin merekam," pikir para prajurit. Tapi Tuhan nutup aer. Tentara Mesir nyeng kuat ditelen. Sekarang Firaun tau kalo Allah Israel itu Tuhan atas semuanya.

25



Selamat Tinggal Firaun

Sebuah cerita dari perkataannya Tuhan, Alkitab

Ditemuin di

Keluaran 4-15

"Palang pintu Firman Engkau ngasih terang."
Mazmur 119:130

26



Tamat

11



60

27

Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berobah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

28